



## INATSISARTUNI

Partii Inuit  
Randi Broberg

UPA 2014/143-1  
25.3.2014

Siunnersuut pillugu: **Ilinniarnertuunngorniarneq pillugu Inatsisartut inatsisaata allanngortinnaa pillugu Inatsisartut inatsisaat nr. XX, XX.XXX 2014-imeersoq.**

(Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)

Inatsisip allanngortinneqranissaq pillugu siunnersummut Partii Inuit makkunannga tikuagaqassaaq:

1.

Allannguutissatut siunnersuut siulleq (§ 1. Imm. 5.) pillugu Partii Inuit siullermik pissusissamisoortipparput, ilinniartitsissutit ataasiakkaat neqeroorutigineqarsinnaanerisa maleruaqqusatigut natilerneqarnissaat.

Tassungali atasumik Partii Inuit Ilinniartitaanermut Naalakkersuisumut apeqqutigerusupparput, ullumikkut ilinniartitsissutinik ataasiakkaanik neqerooruteqarnissamut Ilinniarnertuunngorniarfiit qanoq nukissaqartiginersut.

Aammattaaq Partii Inuit pingaartipparput, ilinniartitsissutinik ataasiakkaanik ingerlatsisinaassuseqarneq qaffassarlugu, uagut inoqqaatut nunaqvissutullu ilinniaqqinnikkut piginnaanngorsarsinnaanitta aqqutissiuunneqarnissaa – erseqqissumik pilersaaruteqarnikkut.

Akuersaardeqarsinnaanngilarmi sulisunik avataaneersunik atuinerujussuaq Namminersornerulernitsinniik ullumikkut Namminersulersimanitsinnut annikilliartortinnejqarsimannngimmat – akerlianilli annertusarneqartuarsimalluni. Allatut oqaatigalugu uagut inoqqaatut inuttullu oqaaseqartuuusugut, ukiorpassuarni naalakkersuinikkut inuiaqatigiinni periarfissatigut kinguussaagaluttuinnartinneqarnerput aqqutissiuunneqartuarsimavoq.

2.

Allannguutissatut siunnersuutip tullia (§ 1. Imm. 6.) pillugu Partii Inuit erseqqissaatigerusuppaat, Naalakkersuisut erseqqinnerusunik maleruaqqusaliornerminni equmaffigissagaat, uagut inuit inoqqaatut oqaatsitta aporfittut inissinneqannginnissaat.



## INATSISARTUNI

Ajoraluartumimmi ukiorpassuanngortuni ulluinnarsiutigaarput naalakkersuinikkut inuaqatigiinnik sukaterinermi, uagut inuiattut pisariaqartitatta tunulliunneqartuarneri; aningaasalersuinikkut periarfissanillu pilersitsisarnerni.

3.

Siunnersuummi § 1a. eqqarsaatigalugu, Partii Inuit pingaartipparput eqqumaffigissallugu, Nunatta iluani ilinniaqqiffinnut naatsumik akunnattumillu sivisussusilinnut ingerlaqqissinnaaneq siunertaammat, AAMMA EQQAAMANEQARTARIAQARTOQ ilinniaqqiffiusinnaasut inuttut oqaatsigut atorlugit ingerlatsisinnaanerat inerisaavagineqartariaqartoq.

4.

§ 1a. Imm. 2. eqqarsaatigalugu Partii Inuit qitiusutut isigaarput, pingaartumik ilinniartitsissutit ataasiakkaat immersorneqarnissaat eqqarsaatigalugu, uagut inuiattut AAMMA ilinniartitaanikkut killiffigut pisariaqartitagullu, minnerunngitsumillu naalakkersuinikkut angorusutagut uuttuutigalugit ilinniartitsissutinik ataasiakkaanik immersuisoqarumaartoq.

Tamannali Partii Inuit ullumikkut qularaarput.

5.

§ 57. Imm. 2. eqqarsaatigalugu qulaani taaneqartut innersuussutigissavagut.

6.

Naggataagut Partii Inuit maluginiarparput, ullumikkut inatsisartoqarnikkut sulinermi oqaatsitigut pisinnaatitaaffigut AAMMALOORTUMIK annertuumik unioqqutinneqartut oqaatsigullu ataqqinngilluinnarlugit allaffisornikkut ingerlatsisoqartoq.

Siunnersummut Oqaaseqaatini, qupp. 8'mi atuarneqarsinnaavoq "...siunnersuutip kalaallisuaani erseqqissaatit peerneqarnissaat. Tamatumani siunertarineqarpoq inatsisip kalaallisuuata itinerusumik misissorneqarnissaa...naatsorsuutigineqarpoq tamanna pillugu immikkut siunnersuut kingusinnerusukkut saqqummiunneqassasoq."

Tamannarpiaq ilungersunartutut akuersaarneqarsinnaanngitsutullu nalilerlugu, Partii Inuit uunga siunnersummut pineqartumut akerliulluni taassisaaq.

Tassalu Partii Inuit oqaatigumasaat.